

Mearke fan Bauke en Lammechien

Lammechien kwam fan de heide,
fan it hege Drintse sâan.
Bauke kaam fan Easterein,
fan it Fryske plattelân.
Bauke sach syn Lammechiena
foar de allerearste kear,
by de wedstriid tsjin Drentina,
dy't SDS doe noch ferlear.
Hja wiene fuort fereale,
't wie har beide wat oermans.
Mar de leafde jout it iibben,
fansels net elke dei sa'n kans.

Bauke is oer de Hondsrug klommen,
ferliet syn lân en bertegrûn,
Lammechien is de Aa oer swommen
en hat him it jawurd jûn.
Op de grote stille heide,
makke 't lok har beide ryk.
En elk skot by Lammechiena,
wie ek fuort in einepyk.
Tusken bosk en húnebedden,
tusken skiep en opperdoes,
krigen Bauke en Lammechiena,
lytse berntsjes by de rûs.

Pake brocht út Easterein,
op in moaie simmerjûn,
in âld fuotbal nei de heide
en dêr is it mei begûn.
Bauke's mantsjes koene balje,
hiene sels in grut talint.
Yn it hiele lân fan Bartje,
waarden hja by elk bekend.
Mei Drentina promovearren,
hja nei de earedivysje ta.
Sels de apen op de heul yn Emmen,
woene it sa mâl net ha.

't Is it jier 2050,
ek SDS is promoveart.
En de "parel fan de greidhoek"
is de measte clubs passeart.
Op sportpark Skoalleseize,
is fan 't âlde neat mear oer.
In stadion mei trije ringen,
komt heger as de tsjerketoer.
Alles giet der elektronysk,
Der komt gjin "skeids" mear oan te pas.
Kaartsjes kom' út de kompjoeter,
al lang net mear út Pier syn tas.

De Noardelike derby,
stiet fannehjoed wer op rol.
SDS moat tsjin Drentina,
en 't hiele stadion sit fol.
Sa as Feyenoord en Ajax,
hat dit treffen hiel wat mear.
It is de Heide tsjin de Greide,
Bjusterbaarlik is de sfear.
Bauke stiet mei Lammechiena,
yn de plooï foar't folksliet.
't húnebed ha hja ferruile,
foar in kreas business-seat.

Wa sil 't winne, wa ferlieze,
Wa is hjoed de favoryt.
Boppe Easterein stiet TV Fryslan,
Mei in eigen satelyt.
Is 't SDS, wurdt it Drentina,
De útslach is noch net te jaan.
Mar mei beide falt te libjen,
kin Easterein it wol mei dwaan.
Wa't it witte wol dy moat nei Emmen,
en giet de dieretún mar yn.
Freget op it bankje by de apen,
it aan Bauke en Lammechien.

Sytse van der Werf